

I hebe ab

musik/text: t. garcia

jedi rettig chonnt jetzt z'schpoot
de letschti hoffnigsschimmer goht
verschwindet i de gliichgöltigkeit

mund zo mund het nüt me brocht
gliebt ond ghofft, so guet wie's goht
's get keis netz me, wo mi foot

gäg adrenalin semmer immun
onderchüelt bem letschte wärmende versuech
mer send scho lang nömm zäme
nome zäme blebe

i hebe ab ond tauche ii
diräkt i d'sonne, a der verbii
du wersch mi bald nümme gseh
mer tuet's scho fascht nümme weh

heldehafti störz is onglöck
händ kei wörkig zeigt, s'esch eh scho z'schpoot
wie lang goht's, bes öpper losloot?

d'wunderheilig abverheit
s'schloss wie-n-es es chartehuus i sech zämegheit
s'esch alles offe ond i loo weder alles zue

i hebe ab ond tauche ii
diräkt i d'sonne, a der verbii
du wersch mi bald nümme gseh
mer tuet's scho fascht nümme weh

i hebe ab ond tauche ii
dor galaxie a der verbii
be scho liechtjohr wiit entfärrt
bald verglüh i wie-n-e stärr